


兩晉文鈔


二




			三		
			七		
			九		
			一		
			五		
			九		
			六		
			一		
冊	架	函	號	類	

庫文閣內			
三		三	漢
五		七	
九		九	書
函		一	
		一	
七	六	號	類
架	冊		

內閣文庫			
番號	漢	3791	
冊數	6 (2)		
函號	359	40	





兩晉文鈔卷之二

○與傅玄書

省是下○所著書言富理○濟○經○綸○政○體○存○重○儒○教○足○以○塞○揚○墨○之○流

道○齊○孫○孟○推○生○代○每○刊○卷○未○嘗○不○歎○息○也○不○見○賈○生○自○以○過○之○乃

今不及信矣

推獎鄭重恐傳子未堪副此語耳

淺菴王文沈



孫遺令

王祥



死自然之理。吾年八十有五，殆手何恨，不有遺言，使爾
 值季末，登庸歷試，無毗佐之勲，沒無以報氣絕。但洗手
 足，不須沐浴，勿纏尸，皆澣故衣。隨時所服，所賜山玄玉佩衛氏玉
 玦，綬笥皆勿以歛。西芒上土，自堅貞，勿用甕石，勿起墳隴，穿深二
 丈，樽取容棺，勿作前堂布几，筵置書箱鏡奩之具。棺前但可施牀
 榻而已，糝脯各一盤，玄酒一盃，為朝夕奠。家人大小，不須送喪，大
 小祥，乃設特牲，無違余命。高柴泣血三年，夫子謂之異。閔子除喪，
 出見，援琴切切而哀，仲尼謂之孝。故矢泣之哀，日月降殺，飲食之

宜自有制度。夫言行可覆信之至也。推矣。引過德之至也。揚名顯親。孝之至也。兄弟怡怡。宗族欣欣。悌之至也。臨財莫過乎讓。此五者立身之本。穎子所以為命。未之思也。夫何遠之有。

此與杜預遺令后苞終制同意。而太保語更有仁孝忠孝之思。

○讓開府表

羊祐

臣伏聞恩詔。拔臣使同台司。臣自出身以來。適十數年。受任外內。每極顯重之任。常以智力不可頓進。恩寵不可久。謬風夜戰悚。以榮為憂。臣聞古人之言。德未為人所服。而受高爵。則使才臣不進。功未為人所趨。而荷厚祿。則使勞臣不勸。今臣身託外戚。事連運會。誠在過寵。不慮見遺。而猥降發中之詔。加非次之榮。臣有何功。可以堪之。何心可以安之。身辱高位。傾覆尋至。願守先人教。虛豈可得哉。違命誠忤天威。曲從即復。若此。蓋聞古人申於見知。大臣之節。不可則止。臣雖小人。敢繚所蒙。念存斯義。今天下自服化以。

來方漸八年雖側席求賢不遺幽賤然臣不能推有德達有功使
聖聽知朕臣者多未達者不少假令有遺德於版築之下有隱才
於屠釣之間而朝議用臣不以為非臣處之不以為愧所失豈不
大哉臣忝竊雖久未若今日兼文武之極寵等宰輔之高位也且
臣雖所見者狹據今光祿大夫李熹執節高亮在公正色光祿大
夫象芝潔身寡欲和而不同光祿大夫李胤清亮簡素立身在朝
皆服事華髮以禮終始雖歷位外內之寵不異寒賤之家而猶未
蒙此選臣更越之何以塞天下之望少益日月是以誓心守節無
苟進之志今道路未通方隅多事乞留前恩使臣得速還屯不爾

留連必於外虞有闕匹夫之志有不可奪

就中不無淡心妙用然語語無餘出於至誠有德之言是以動
人其一念推賢為國之心能使淺狹人愧服吾所謂惟大臣乃
能為大將意蓋如此 鍾惺

○○○上平吳疏

羊祐

先帝順天應時，西平巴蜀，南和吳會，海內得以休息，此庶有樂安之心。而吳復背信，使邊事更興。夫期運雖天所授，而功業必由人而成。不一大舉埽滅，則衆役無時得安。亦所以隆先帝之勲，成無為之化也。故堯有丹朱之伐，舜有三苗之征，咸以寧靜宇宙，戡兵和衆者也。蜀平之時，天下皆謂吳當并亡。自此來十三年，是謂一周平定之期，復在今日矣。議者常言吳楚有道後服，無禮先強。此乃諸侯之時耳。當今一統，不得與古同論。夫適道之論，皆未應權。是故謀之雖多，而決之欲獨。凡以險阻得存者，謂所敵者同力足。

自固苟其輕重不齊。強弱異勢。則智士不能謀。而險阻不可保也。
 蜀之為國。非不險也。五言佳句。高山尋雲。深谷肆無。景束馬懸。車然後得。
 濟皆言一夫荷戟。千人莫當。及進兵之日。曾無藩籬之限。斬將塞
 旗。伏尸數萬。乘勝席捲。徑至成都。漢中諸城。皆鳥棲而不敢出。非
 皆無戰心。誠力不足相抗。至劉禪降服。諸營堡者。索然俱散。今江
 淮之難。不過劍閣山川之險。不過岷漢孫皓之暴。侈於劉禪。吳人
 之困。甚於巴蜀。而大晉兵衆。多於前世。資儲器械。盛於逞時。今不
 於此平吳。而更阻兵相守。征夫苦役。日尋干戈。經歷盛衰。不可長
 久。宜當時定以一四海。今若引梁益之兵。水陸俱下。荆楚之衆。進

臨江陵。平南豫州。直指夏口。徐揚青兗。並向秣陵。鼓旆以疑之。多
 方以誤之。以一隅之吳。當天下之衆。勢分形歎。所備皆急。巴漢奇
 兵。出其空虛。一處傾壞。則上下震蕩。吳緣江為國。無有內外東西
 數千里。以藩籬自持。所敵者大。無有寧息。孫皓恣情任意。與下多
 忌。名臣重將。不復自信。是以孫秀之徒。皆畏逼而至。將疑於朝。士
 困於野。無有保世之計。一定之心。平常之日。猶懷去就。兵臨之際。
 必有應者。終不能齊力致死。已可知也。其俗急速。不能持久。弓弩
 戟楯。不如中國。唯有水戰。是其所便。一入其境。則長江非復所固。
 還保城池。則去長入短。而官軍懸進。人有致節之志。吳人戰於其

內有憑城之心。如此軍不踰時。剋可必矣。

晉武惟平吳一事。差有開國帝王謀斷。而羊祜杜預。從容將相之間。一洗鄧鍾入蜀戾氣。觀祜伐吳一疏。始終以戢兵和衆為主。無復切臣伎倆。其厚故自不同也。鍾惺神色英邁。機杼警策。洵英雄之上流。亦老成之忠悃。

○誠子書

羊祜

吾少受先君之教。能言之年。便召以典文。年九歲。便誨以詩書。然尚猶無鄉人之稱。無清異之名。今之職位。謬恩之加耳。非吾力所能致也。吾不如先君遠矣。汝等復不如吾。諮度弘偉。恐汝兄弟未之能也。奇異獨達。察汝等將無分也。恭為德首。慎為行基。願汝等言則忠信。行則篤敬。無口許人以財。無傳不經之談。無聽毀譽之語。聞人之過。耳可以受。口不得宣。思而後動。若言行無信。身受大謫。自入刑論。豈復惜汝恥及祖考。思及父言。纂及父教。各諷誦之。長者之言。與伏波語亦大約相似。

[Faded vertical text, likely bleed-through from the reverse side of the page]

○○與從弟琇書

羊祐

吾○以○布○衣○忝○荷○重○任○每○以○尸○素○為○愧○天○命○既○隆○惟○江○南○未○夷○此○人
臣○之○責○是○以○不○量○所○能○畢○力○吳○會○當○憑○朝○廷○之○威○賴○士○大○夫○之○謀
以○余○克○之○舉○除○萬○世○之○患○年○已○朽○老○既○定○邊○事○當○自○角○巾○東○路○還
歸○鄉○里○於○墳○墓○側○為○容○棺○之○墟○假○日○視○息○思○與○後○生○味○道○此○吾○之
至○願○也○以○凡○才○而○居○重○位○何○能○不○懼○盈○滿○之○責○耶○疏○廣○吾○師○也○聖
主○明○恕○當○不○奪○敬○志○爾

冲襟道氣語出繇中非矯飾恬退者可擬

○余之學創萬世之惠平○味其理○定其數○車當自向中東○
 自之貴吳○以不量河○繪畢○吳會當○愚障其○漁○鍊士大夫○
 吾心○亦亦○重卦○每心○只素○為○謝○天命○而劉○卦○云○南○未○更○此○八○
 ○○史○終○年○類○書○

羊詠

○春秋左氏傳序

杜預

春秋者魯史記之名也。記事者以事繫日。以日繫月。以月繫時。以時繫年。所以紀遠近。別同異也。故史之所記。必表年。以首事。年有四時。故錯舉以為所記之名也。周禮有史官掌邦國四方之事。達四方之志。諸侯亦各有國史。大事書之於策。小事簡牘而已。孟子曰。楚謂之檮杌。晉謂之乘。而魯謂之春秋。其實一也。韓宣子適魯。見易象與魯春秋。曰。周禮盡在魯矣。吾乃今知周公之德。與周之所以王。韓子所見。蓋周之舊典禮經也。周德既衰。官失其守。上之人不能使春秋昭明。赴告策書。諸所記注。多違舊章。仲尼因魯史。

策書成文。考其真偽。而志其典禮。上以遵周公之遺制。下以明將
來之法。其教之所存。文之所害。則刊而正之。以示勸戒。其餘則皆
即用舊史。史有文質。辭有詳略。不必改也。故傳曰。其善志。又曰。非
聖人。孰能修之。蓋周公之志。仲尼從而明之。左丘明受經於仲尼。
以為經者。不刊之書也。故傳或先經。以始事。或後經。以終義。或依
經。以辯理。或錯經。以合義。隨義而發。其例之所重。舊史遺文。略不
盡舉。非聖人所修之要故也。身為國史。躬覽載籍。必廣記而備言。
之。其文。緩其旨。遠將令學者。原始要終。尋其枝葉。究其所窮。優而
柔之。使自求之。發而飲之。使自趨之。若江河之浸膏澤。之潤渙然。

水釋。怡然。理順。然後為得也。其發凡。以言例。皆經國之常制。周公
之垂法。史書之舊章。仲尼從而修之。以成一經之統體。其微顯闡
幽。裁成義類者。皆據舊例。而發義指行事。以正褒貶。諸稱書不書。
先書。故書。不言。不稱。書者之類。皆所以啓新舊。發大義。謂之變例。
然亦有史所不書。即以為義者。此蓋春秋新義。故傳不言。凡曲而
暢之也。其經無義例。因行事而言。則傳直言。其歸趣而已。非例也。
故發傳之體有三。而為例之情有五。一曰。激。而顯文。見於此。而義
起於彼。稱族尊君。命舍族尊夫人。梁亡。城緣陵之類。是也。二曰。志。
而晦。約言示制。推以知例。參會不地。與謀。曰及之類。是也。三曰。婉。

而○成○章○曲○從○義○訓○以○示○大○順○諸○所○諱○辟○辭○假○許○田○之○類○是○也○四○曰○
盡○而○不○汙○直○書○其○事○具○文○見○意○丹○楹○刺○桷○天○王○求○車○齊○侯○獻○捷○之○
類○是○也○五○曰○懲○惡○而○勸○善○求○名○而○亡○欲○蓋○而○章○書○齊○豹○盜○三○叛○人○
名○之○類○是○也○推○此○五○體○以○尋○經○傳○觸○類○而○長○之○附○於○二○百○四○十○二○
年○行○事○王○道○之○正○人○倫○之○紀○備○矣○或○曰○春○秋○以○錯○文○見○義○若○如○所○
論○則○經○當○有○事○同○文○異○而○無○其○義○也○先○儒○所○傳○皆○不○其○然○答○曰○春○
秋○雖○以○一○字○為○褒○貶○然○皆○須○數○句○以○成○言○非○如○八○卦○之○文○可○錯○綜○
為○六○十○四○也○固○當○依○傳○以○為○斷○古○今○言○左○氏○春○秋○者○多○矣○今○其○遺○
文○可○見○者○十○數○家○大○體○轉○相○祖○述○進○不○成○為○錯○綜○經○文○以○盡○其○變○

退○不○守○丘○明○之○傳○於○丘○明○之○傳○有○所○不○通○皆○沒○而○不○說○而○更○庸○引○
公○羊○穀○梁○適○足○自○亂○預○令○所○以○為○異○專○修○丘○明○之○傳○以○釋○經○經○之○
條○貫○必○出○於○傳○傳○之○義○例○總○歸○諸○凡○推○變○例○以○正○褒○貶○簡○二○傳○而○
去○異○端○蓋○丘○明○之○志○也○其○有○疑○錯○則○備○論○而○闕○之○以○俟○後○賢○然○劉○
子○駿○創○通○大○義○賈○景○伯○父○子○許○惠○卿○皆○先○儒○之○美○者○也○未○有○穎○子○
巖○者○雖○淺○近○亦○復○名○家○故○特○舉○劉○賈○許○穎○之○違○以○見○同○異○分○經○之○
年○與○傳○之○年○相○附○比○其○義○類○各○隨○而○解○之○名○曰○經○傳○集○解○又○別○集○
諸○例○及○地○名○譜○第○歷○數○相○與○為○部○凡○四○十○部○十○五○卷○皆○顯○其○異○同○
從○而○釋○之○名○曰○釋○例○將○令○學○者○觀○其○所○聚○異○同○之○說○釋○例○詳○之○也○

或曰春秋之作左傳及穀梁無明文說者以為仲尼自衛反魯修春秋立素王丘明為素臣言公羊者亦云黜周而王魯危行言孫以避當時之害故做其文隱其義公羊經止獲麟而左氏經終孔丘卒敢問所與荅曰異乎余所聞仲尼曰文王既沒文不在茲乎此制作之本意也嘆曰鳳鳥不至河不出圖吾已矣夫蓋傷時王之政也麟鳳五靈王者之嘉瑞也今麟出非其時虛其應而失其歸此聖人所以為感也絕筆於獲麟之一句者所感而起固所以為終也曰然則春秋何始於魯隱公荅曰周平王東周之始王也隱公讓國之賢君也考乎其時則相接言乎其位則列國本乎其

始則周公之祚胤也若平王能祈天永命紹開中興隱公能守祖業光啓王室則西周之美可尋文武之迹不墜是故因其歷數附其行事采周之舊以會成王義垂法將來所書之王即平王也所用之曆即周正也所稱之公即魯隱也安在其黜周而王魯乎子曰如有用我者吾其為東周乎此其義也若夫制作之文所以章注考來情見乎辭言高則旨遠辭約則義微此理之常非隱之也聖人包周身之防既作之後方復隱諱以避患非所聞也子路欲使門人為臣孔子以為欺天而云仲尼素王丘明素臣又非通論也先儒以為制作三年文成致麟既已妖妄又引經以至仲尼

卒亦又近誣據公羊經止獲麟而左氏小邾射不在三叛之數故
余以為感麟而作作起獲慶則文止於所起為得其實至於反袂
拭面稱吾道窮亦無取焉

條析左氏義例甚詳核行文亦雅淨第稍失之煩瑣終是訓詁
派派不失文章家孫鑛

預嘗言德不可企及立功立言可庶幾也竟用平吳左氏注二
事實之古人自審不苟如此立德一語預其陰以推羊祜乎鍾

釋例固可孤行傳癖亦自難諱優柔厭厭數語可謂言之津津

○○遺令

杜預

古不合葬明於終始之理同於無有也中古聖人改而合之蓋以
別合無在更緣生以示教也自此以來大人君子或合或否未能
知生安能知死故各以已意所欲也吾往為臺郎嘗以公事使過
密縣之邢山山上有冢問耕父云是鄭大夫祭仲或云子產之冢
也遂率從者祭而觀焉孫鑛曰闡立墓之意語名通其造冢居山之頂四望周遠連山體南北
之正而邪東北向新鄭城意不忘本也其隧道唯塞其後而空其
前不填之示藏無珍寶不取於重深也山多美石不用必集洧水
自然之石以為冢藏貴不勞功巧而此石不入世用也君子尚其

有情。小人無利可動。歷千載無毀。儉之致也。吾去春入朝。因郭氏
 喪。止緣陪陵舊義。自表營洛陽城東首陽之南。為將來兆域。而所
 得地中有小山。上無舊冢。其高顯雖未足比邢山。然東奉二陵。西
 瞻官闕。南觀伊洛。北望夷齊。曠然遠覽。情之所安也。故遂表樹開
 道。為一定之制。至時皆用洛水圓石。開隧道南向。儀制取法於鄭
 大夫。欲以儉自完耳。棺器小歛之事。皆當稱此。
 古來達人。多以薄瘞為念。非以夷落身後。亦深以自為也。預好
 後世名。至以二碑紀績。欲使陵谷變遷。志托不朽。茲又先為遺
 令如此。何其念之深也。
 朱東觀 ○ 堅樸散素猶有東京風味

○考課略

杜預

臣聞上古之政。因循自然。虛已委誠。而信順之道。應神感心。通而
 天下之理。得逮至淳樸漸散。彰美顯惡。設官分職。以領爵祿。弘宣
 六典。以詳考察。然有倚明哲之輔。建忠貞之司。使名不得越功。而
 獨美功不得後名。而獨隱。皆疇咨博詢。敷納以言。及至末世。不能
 紀遠。而求於密微。疑諸心。而信耳目。疑耳目。而信簡書。簡書愈繁。
 官方愈偽。法令滋章。巧飾彌多。昔漢之刺史。亦歲終奏事。不制算
 課。而清濁粗舉。魏氏考課。即京房之遺意。其文可謂至密。然由於
 累細。以違其體。故歷代不能通也。豈若申唐堯之舊。去密就簡。則

晉文鈔
簡而易從也。夫宣盡物理，神而明之，存乎其人，去人而任法，則以傷理。今科舉優劣，莫若委任達官，各考所統，在官一年以後，每歲言優者一人為上第，劣者一人為下第，因計偕以名聞。如此六載，主者總集採案，其六歲處優舉者超用之，六歲處劣舉者奏免之。其優多劣少者敘用之，劣多優少者左遷之。今考課之品，所對不鈞，誠有難易。若以難取優，以易而否，主者固當準量輕重，微加降殺，不更復曲以法盡也。乙丑詔書以考課難成，聽通薦例，薦例之理，即亦取於風聲。六年頓薦黜陟無漸，又非古者三考之意也。今每歲一考，則積優以成陟，累劣以取黜，以士君子之心相處，未有

官故六年六黜，清能六進，否劣者也。監司將亦隨而彈之，若令上下公相容過，此為清議大願，亦無取於黜陟也。

預以京師王化之始，自近及遠，凡所施論，務崇大體，受詔為黜陟之課，舉其略如此，其法可為世世規者，可行之之多，獎哉。譚元春

考課之難行，本以議論多端，牽古制則迂，隨時宜易，敝也。東坡言治法不如治人，此言庶幾。陸夢龍

此與劉毅論九品八損，疏意相表裏，皆經國之訢謨，程材之要議。

○律令注解奏

杜預

法者蓋繩墨之斷例。非窮理盡性之書也。故文約而例直。聽省而禁簡。例直則易見。禁簡則難犯。易見則人知所避。難犯則幾於刑。厝刑之本在於簡直。故必審名分。審名分者。必忍小理。古之刑書。銘之鐘鼎。鑄之金石。所以遠塞異端。絕異理也。法出一門。然後人知恆禁。吏無淫巧。政明於上。民安於下。今所注皆網羅法意。格之以名分。使用之者。執名例以審趣舍。仲繩墨之直。去析薪之理也。預與賈克等定律令。既成為注解。奏語甚簡直明切。

[Faded vertical text, likely bleed-through from the reverse side of the page]

○伐吳疏

杜預

自閏月以來。賊但救嚴下無兵上。以理勢推之。賊之窮計。力不兩完。必先認上流。勤保夏口。以東以延視息。無緣多兵西上。空其國都。而陛下過聽。便用委棄。大計縱敵。患生此誠。國之遠圖。使舉而有敗。勿舉可也。事為之制。務從完牢。若或有成。則開太平之基。不成。不過費損日月之間。何惜而不一試之。若當須後年。天時人事。不得如常。臣恐其更難也。陛下宿議。命臣等隨界分進。其所禁持。東西同符。萬安之舉。未有傾敗之慮。臣心實了。不敢以曖昧之見。自取後累。唯陛下察之。

時帝與張華圍棋，預表適至，華推枰歛手曰：「陛下聖明神武，朝野清晏，國富兵強，號令如一。吳主荒淫驕虐，誅殺賢能，當今討之，可不勞而定。」帝乃許之。
搗伐吳之利，愈明決愈深透。

○參訪郡守疏

何曾

臣聞為國者以清靜為基，而百姓以良吏為本。今海內虛耗，事役眾多，誠宜恤養黎元，悅以使人。郡守之權雖輕，猶專任千里，比之於古，則列國之君也。上當奉宣朝恩，以致惠和；下當興利而除其害，得其人則可安，非其人則為患。故漢宣稱曰：「百姓所以安其田里而無歎息愁恨之心者，政平訟理也。」與我共此者，其惟良二千石乎？此誠可謂知政之本也。方今國家大舉，新有發調，軍師遠征，上下劬勞，夫百姓可與樂成，難與慮始。愚惑之人，能厭目前之小勤，而忘為亂之大禍者，是以郡守益不可不得其人。才雖難備，猶

宜粗有威恩。為百姓所信憚者。臣聞諸郡守有年老或疾病。皆委政丞掾。不恤庶事。或體性疏忽。不以政理為意。在官積年。惠澤不加於人。然於考課之限。罪亦不至黜免。故得經延歲月。而無斥罷之期。臣愚以為可密詔主者。使隱核參訪郡守。其有老病不隱。親人物及宰牧少恩。好修人事。煩撓百姓者。皆可徵還。為更選代。郡守為親民之要。悉心理政。送送重此。此疏深識原本。張燁如

○上魏明帝論伐遼疏

何曾

臣聞先王制法。必全於慎。故建官授任。則置副佐。陳師命將。則立監貳。宣命遣使。則設介副。臨敵交刃。則參御右。蓋以盡思謀之功。防安危之變也。是以在險當難。則權足相濟。隕缺不豫。則才足相代。其為國防至深。至遠。及至漢氏。亦循舊章。韓信伐趙。張耳為貳。馬援討越。劉隆副軍。前世之迹。著在篇志。今懿奉辭。誅罪。精甲銳鋒。步騎數萬。道路迴阻。四十餘里。雖假天威。有征無戰。寇或潛遁。消別日月。命無常期。人非金石。遠慮詳備。誠宜有副。今北邊諸將。及懿所督。皆為寮屬。名位不殊。素無定分。統御之尊。卒有變急。不

相鎮攝存不忘亡。聖達所戒。臣愚以為宜選大臣名將威重宿著。盛其禮秩。遣詣懿軍。進同謀畧。退為副佐。雖有萬一不虞之變。軍主有儲。則無患矣。

時遼東太守公孫文懿。遣司馬宣伐之。曾疏雖不從。然是兵家要論。不可不存。

○理兄表

石崇

臣兄統以先父之恩。早被優遇。出入清顯。歷位盡勤。伏度聖心有垂察。近為扶風王駿橫所誣。謫司隸中丞等。飛筆重奏。勅案深文。累塵天聽。臣兄弟跼躄憂心如悸。駿戚屬尊重。權要赫奕。內外有司。望風承旨。苟有所惡。易於投卵。自統枉劾以來。臣兄弟不敢一言。稍自申理。戢舌鉗口。惟須刑書。古人稱榮華於順旨。枯槁於逆違。誠哉斯言。於今信矣。是以雖董司直繩。不能不深其文。抱枉含誦。不得不輸其理。幸賴陛下天聽四達。靈鑒昭遠。存先父勲德之重。察臣等勉勵之志。中詔申料。罪譴澄雪。臣等刻肌碎首。未足

晉文錄
上報。臣即以今月十四日，與兄統浚等，詣公車門，拜表謝恩。伏度
奏御之日，暫經天聽。此月二十日，或被蘭臺禁止，符以統蒙宥恩。
出非常，臣宴然私門，曾不陳謝。復見彈奏，訕辱理盡。臣始聞此，惶
懼狼狽，靜而思之，固無怪也。苟尊勢所驅，何所不至。望奉法之直
繩，不可得也。臣以凡才累荷顯重，不能負載，析薪以荅萬分。一月
之中，奏劾頻加，曲之與直，非臣所計。所愧不能承奉戚屬，自陷於
此。不媚於竈，實愧王孫。隨巢子稱明君之德，察情為上。察事次之。
所懷具經聖聽，伏待罪黜，無所多言。
詞調怪蒼，諷切權貴，處亦自鯁亮多鋒。

○金谷詩序

石崇

余以元康六年，從太僕卿出為使，持節監青徐諸軍事，征虜將軍。
有別廬在河南縣界金谷澗中，或高或下，有清泉茂林，眾果竹柏。
藥草之屬，莫不畢備。又有水碓魚池，土窟其為娛目歡心之物，備
矣。時征西大將軍祭酒王詡當還長安，余與眾賢共送注澗中。晝
夜遊宴，屢遷其坐。或登高臨下，或列坐水濱。時琴瑟笙筑，合載車
中。道路竝作，及住，令與鼓吹，遙奏。遂各賦詩，以敘中懷。或不能者，
罰酒三斗。感性命之不永，懼凋落之無期。故具列時人官號姓名，
年紀。又為詩著後。後之好事者，其覽之哉。凡三十人。吳王師議郎

關中侯始平武功蘇紹字世嗣年五十為首

豪邁在目昔人謂王右軍得人以蘭亭序擬季倫金谷序甚有喜色當不妄耳

○思歸引序

后崇

余少有大志。夸邁流俗。弱冠登朝。歷位二十五年。五十以事去官。晚節更樂放逸。篤好林藪。遂肥遯於河陽別業。其制宅也。郤阻長隄。前臨清渠。柏木幾於萬株。流水周於舍下。有觀閣池沼。多養鳥魚。家素習技。頗有秦趙之聲。出則以游目弋釣為事。入則有琴書之娛。又好服食咽氣。志在不朽。傲然有凌雲之操。歛復見牽羈。婆娑於九列。困於人間。煩黷常思歸。而永歎。尋覽樂篇。有思歸引。儻古人之情。有同於今。故制此曲。此曲有強無歌。今為作歌辭。以述余懷。恨時無知音者。今造新聲。而播於絲竹也。

擬託傲岸胸次不凡

[Faint bleed-through text from the reverse side of the page]

○許巢論

石崇

客有問於余曰。昔許由巢父。雖堯之讓。逍遙願神。竇已遺世。司馬遷以假托之言。必無此實。竊以為然。余答之曰。是何言歟。蓋聞聖人在位。則羣材必舉。官才任能。輕重允宜。大任已備。則不抑大材。使居小位。小材已極。其分則不以積久而令處過材之位。然則稷播嘉穀。契敷五教。臯陶夔龍。各已授職。其聯屬之官。必得其材。則必不重載。兼置斯可知也。巢許則先愷之儔。大位已充。則宜敦廉讓以勵俗。崇無為以化世。然後動靜之教。備隱顯之功。著故能成魏巍之化。民莫能名。將何疑焉。

自有高淡之味

[Faint bleed-through text from the reverse side of the page]

○○薦裴秀書

毋丘儉

生而岐嶷長蹈自然玄靜守真性入道與博學強記無文不該孝友著於鄉黨高聲聞於遠近誠宜弼佐謨明助和鼎味毗贊太府光昭盛化非徒子奇甘羅之儔兼包游夏顏冉之美

王戎謂見裴令公精明朗然龍蓋人上二語與玄靜守真性入道與並能言季彥之嫩者

[Faint bleed-through text from the reverse side of the page]

○○地域圖序

裴秀

圖書之設由來尚矣。自古立象垂制而賴其用。三代置其官。國史掌厥職。暨漢屠咸陽。丞相蕭何盡收秦之圖籍。今秘書既無古之地圖。又無蕭何所得。惟有漢氏輿地。及括地諸雜圖。各不設分率。又不考正準望。亦不備載名山大川。雖有麤形。皆不精審。不可依據。或兼外迂誕之言。不合事實。於義無取。大晉龍興。混一六合。以清宇宙。始於庸蜀。深入其阻。文皇帝乃命有司。撰訪吳蜀地圖。蜀土既定。六軍所經。地域遠近。山川險易。徑路迂直。校驗圖記。固或有差。今上考禹貢山海川流原隰陂澤。古之九州。及今之十六州。

郡國縣邑疆界鄉隊及古國盟會舊名水陸徑路為地圖十八篇
 制度之體有六焉一曰分率所以辨廣輪之度也二曰準望所以
 正彼此之體也三曰道里所以定所由之數也四曰高下五曰方
 邪六曰迂直此三者各因地而制宜所以校夷險之異也有圖象
 而無分率則無以審遠近之差有分率而無準望雖得之於一隅
 必失之於他方有準望而無道里則施於山海絕隔之地不能以
 相通有道里而無高下方邪迂直之校則徑路之數必無遠近之
 實相違失準望之正矣故以此六者參而考之然遠近之實定於
 分率彼此之實定於道里度數之實定於高下方邪迂直之算故

雖有峻山鉅海之隔絕域殊方之迴登降詭曲之因皆可得舉而
 定者準望之法既正則曲直遠近無所隱其形也
 留心經制恢弘大略者不可不考覽方域以此準量地理亦可
 無星離斗剖之失已陸夢龍
 條理秩然制度之篇亦其準則

○ ○請改尺度奏

裴 頤

宜改諸度量。若未能悉革。可先改太醫權衡。此若差違。遂失神農岐伯之正。藥物輕重。分兩乖互。所可傷天。為害尤深。古肅考而今短折者。未必不由此也。

頤通博多聞。兼明醫術。荀勗之修律度也。檢得古尺短。世所用四分有餘。頤上言。卒不能用。

○諫東宮侍從

裴頌

東宮之建。以儲皇極。其所與游。接必簡英俊。宜用成德。匡嵩幼弱。未識人理。立身之節。東宮實體風成之表。而今有童子侍從之聲。未是光闡遐風之弘理也。

時以陳準子匡韓蔚子嵩竝侍東宮。故頌陳諫。

○崇有論

裴頌

夫總混羣本。宗極之道也。方以俗異。庶類之品也。形象著分。有生之體也。化感錯綜。理迹之原也。夫品而為族。則所稟者偏。偏無自足。故憑乎外資。是以生而可尋。所謂理也。理之所體。所謂有也。有語未了。了是兩音習氣然。非佳處之所須。所謂資也。資有攸合。所謂宜也。擇乎厥宜。所謂情也。識智既授。雖出處異業。默語殊塗。所以寶生存宜。其情一也。衆理並而無害。故貴賤形焉。失得由乎所接。故吉凶兆焉。是以賢人君子。知欲不可絕。而交物有會。觀乎注復。稽中定務。惟夫用天之道。分地之利。躬其力任勞。而後饗居以仁。順守以恭。儉率以忠。信行以敬。

讓志無盈求。事無過用。乃可濟乎。故大建厥極。綏理群生。訓物垂範。於是乎在斯。則聖人為政之由也。乃若淫抗陵肆。則危害萌矣。故欲衍則速。患情佚則怨。博擅恣則興。攻專利則延。寇可謂以厚生而失生者也。悠悠之徒。駭乎若茲之釁。而尋艱爭所緣。察夫偏質有弊。而覩簡損之善。遂闡貴無之議。而建賤有之論。賤有則必外形。外形則必遺制。遺制則必忽防。忽防則必忘禮。禮制弗存。則無以為政矣。衆之從上。猶水之居器也。故飛庶之情。信於所習。習則心服。其業業服。則謂之理。是以君人必慎所教。班其政刑。一切之務。分宅百姓。各授四職。能令稟命之者不肅。而安。忽然忘異。莫

有遷志。况於據在三之尊。懷所隆之情。敢以為訓者哉。斯乃昏明所階。不可不審。夫盈欲可損。而未可絕。有也。過用可節。而未可謂無貴也。蓋有講言之具者。深列有形之故。盛稱空無之美。形龜之故。有徵空無之義。難檢辨巧之文。可悅似象之言。足惑衆聽。眩焉。溺其成說。雖頗有異此心者。辭不獲濟。屈於所狎。因謂虛無之理。誠不可益。唱而有和。多往弗反。遂薄綜世之務。賤功烈之用。高浮游之業。卑經實之賢。人情所殉。篤夫名利。於是文者衍其辭。巧者贊其旨。漆其衆也。是以立言藉其虛無。謂之玄妙。處官不親。所司謂之雅遠。奉身散其廉操。謂之曠達。故砥礪之風。彌以陵遲。放者

晉書
因斯或恃吉凶之禮而忽容止之表。瀆棄長幼之序。混漫貴賤之
級。其甚者至於裸裎言笑忘宜。以不惜為知。士行又虧矣。老子既
著五子之文。表摭穢雜之弊。甄舉靜一之義。有以令人釋然自夷。
合於易之損謙艮節之旨。而靜一守本。無虛無之謂也。損良之屬。
蓋君子之一道。非易之所以為體。守本無也。觀老子之書。雖博有
所經。而云有生於無。以虛為主。偏立一家之辭。有以而然哉。人
之既生。以保生為全。全之所階。以順感為務。若近以虧業則沉
溺之釁。與懷末以忘本。則天理之真滅。故動之所交。存亡之會也。
天有非有。於無非無。於無非無。於有非有。是以申。曆之累而著。

貴無之文。將以絕所非之盈。認存大善之中節。收流通於既過。反
澄正於胸懷。宜其以無為辭。而旨在全有。故其辭曰。以為文不足
若斯。則是所寄之塗。一方之言也。若謂至理信以無為宗。則偏而
害當矣。先賢達識。以非所滯。示之深論。惟班固著難。永之析其情。
孫卿揚雄。大體抑之。猶偏有所許。而虛無之言。日以廣衍。眾家扇
起。各列其說。上及造化。下被萬事。莫不貴無。所存僉同情。以眾同
乃彌。凡有之理。皆義之埤者。薄而鄙焉。辯論人倫。及經明之業。遂
易門肆。願用矍然。申其所懷。而攻者盈集。或以為一時口言。有客
幸過。咸見命著文。擿列虛無不允之微。若未能每事釋正。則無家

之義弗可奪也。願退而思之。雖君子宅情無求於顯。及其立言。在乎達百而已。然去聖久遠。異同紛糾。苟少有彷彿。可以崇濟先典。扶明大業。有益於時。則惟患言之不能。焉得靜默。及未舉一隅。略示所存而已。哉。夫至無者無以能生。故始生者自生也。自生而必體有。則有遺而生虧矣。生以有為已。分則虛無是有之。所謂遺者也。故養既化之。有非無用之。所能全也。理既有之。衆非無為之所能循也。心非事也。而制事必由於心。然不可以制事。以非事謂心。為無也。匠非器也。而制器必須於匠。然不可以制器。以非器謂匠。非有也。是以欲收重泉之鱗。非偃息之所能獲也。隕高壩之禽。非

靜拱之所能捷也。審投弦餌之用。非無知之所能覽也。由此而觀。濟有者皆有也。虛無奚益於已有之羣生哉。

此為析理之文。除心匠二喻。名通可貴。前辭殊多。蹇澀試讀。密中散聲。無哀樂諸篇。便有切理會心之妙。乃知文士不可無筆。是論既是箴時所係。又逸民一世談藪。文苑共推。要未為全美之作也。

[Faint bleed-through text from the reverse side of the page]

○女史箴

裴頠

膏不厭鮮。水不厭清。玉不厭潔。蘭不厭馨。爾形信直。影亦不曲。爾聲信清。響亦不濁。綠衣雖多。無貴於色。邪徑雖利。無尚於直。春華雖美。期於秋實。冰譬雖澤。期於見日。浴者振衣。沐者彈冠。人知正服。莫知行端。服美動目。行美動神。天道祐順。常與吉人。

跌宕高古。雖小遜茂。先而鮮警。奇秀不可多得。

孝經時人以不復知有古文。謂之科斗書。漢世祕藏。希得見之。魏初傳古文者。出於邯鄲淳。恒祖敬侯。寫淳尚書。後以示淳。而淳不別。至正始。中立三字。后經轉失。淳法因科斗之名。遂效其形。太康元年。汲縣人盜發魏襄王冢。得策書十餘萬言。按敬侯所書。猶有髣髴古書。亦有數種。其一卷論楚事者。最為工妙。恒竊悅之。故竭愚思。以賞其美。愧不足廁前賢之作。冀以存古人之象。馬古無別名。謂之字勢。云黃帝之史。沮誦倉頡。眡彼鳥跡。始作書契。紀綱萬事。垂法立制。帝典用宣。質文著世。爰暨暴秦。滔天作戾。大道既泯。古文亦滅。魏文好古。世傳丘墳。歷代英發。真偽靡分。大晉開元。弘

道數訓。天垂其象。地耀其文。其文乃耀。榮矣其章。因聲會意。類物有方。日處君而盈。其度月。執臣而虧。其旁雲委蛇而上。布星離離。以舒光。未卉語本中郎葦尊以垂穎。小嶽峨嵯而連岡。蟲豸妙訣以若動鳥。似飛而未揚。觀其錯筆綴墨。用心精專。勢和體均。發止無門。或守正循檢。矩折規旋。或方圓靡則。因事制權。其曲如弓。其直如弦。矯然特出。若龍騰於川。森爾下頽。若雨墜於天。或引筆奮力。若鴻雁高飛。邈邈翩翩。或縱肆阿那。若流蘇懸羽。靡靡絲絲。是故遠而望之。若翔風厲水。清波漪漣。就而察之。有若自然。信黃唐之遺跡。為六藝之範先。籀篆蓋其子孫。隸草乃其曾玄。觀物象以致思。非言辭

之所宣。昔周宣王時，史籀始著大篆十五篇，或與古同，或與古異，世謂之籀書者也。及平王東遷，諸侯力政，家殊國異，而文字乖形。秦始皇帝初兼天下，丞相李斯乃奏益之，罷不合秦文者。斯作倉頡篇，中車府令趙高作爰歷篇，太史令胡毋敬作博學篇，皆取史籀大篆，或頗省改，所謂小篆者。或曰：下土人程邈為衙獄吏，得罪始皇，幽繫雲陽十年，從獄中作大篆，少者增益，多者損減，方者使圓，圓者使方，奏之始皇。始皇善之，公以為御史，使定書，或曰：邈所定乃隸字也。自秦壞古文，有八體：一曰大篆，二曰小篆，三曰刻符，四曰蟲書，五曰摹印，六曰署書，七曰殳書，八曰隸書。王莽時使司

空甄豐校文字部，改定古文，復有六書：一曰古文，孔氏壁中書也。二曰奇字，即古文而異者也。三曰篆書，秦篆書也。四曰佐書，即隸書也。五曰繆篆，所以摹印也。六曰鳥書，所以書幡信也。又許慎撰說文，用篆書為正，以為體例最可得而論也。秦時李斯號為二篆，諸山及銅人銘皆斯書也。漢建初中，扶風曹喜少異於斯，而亦稱善。邯鄲淳師焉，略究其妙，韋誕師淳而不及也。太和中，誕為武都太守，以能書留補侍中。魏氏寶器銘題皆誕書也。漢末又有蔡邕采斯喜之法，為古今雜形，然精密闕理，不如淳也。邕作篆勢曰：鳥遺跡，皇頡循，聖作則，制斯文，體有六篆，為真形要妙，巧入神龜文。

或列。御比龍鱗。紆體放尾。長腹短身。頽若黍稷之垂穎。蘊若蟲蛇
 之焚經。揚波振掌。鷹峙鳥震。延頸脅翼。勢似陵雲。或輕筆內投。微
 本濃末若絕。若連似水露緣絲。凝垂下端。從者如懸衡者如編。杳
 抄邪趣。不方不圓。若行若飛。跂跂翾翾。遠而望之。象鴻鵠群游。唼
 驛遷延。迨而視之。端際不可得見。指撫不可勝原。研柔不能數其
 詰屈。離婁不能觀其鄣間。般倅揖讓而辭。巧籀誦拱手而韜翰。處
 篇籍之首目。梁斌斌其可觀。摘華豔於紈素。為學士之範。先喜文
 德之弘懿。愠作者之莫刊。思字體之頽仰。舉大略而論萌。秦既用
 篆。秦事繁多。篆字難成。即令隸人佐書。曰隸字。漢因行之。獨符印

璽幡信題署用篆。隸書者篆之摸也。上谷王次仲始作楷法。至靈
 帝好書。時多能者。而師宜官為最大。則一字徑丈。小則方寸。千言
 甚於其能。或時不持錢。詣酒家飲。因書其壁。顧觀者以酬酒。討錢
 足而滅之。每書輒削而赫。其柎梁鷓乃益為版。而飲之酒。候其醉
 而竊其柎。鷓卒以書至選部。尚書宜官後為袁術將。令鍾鹿宋子
 有耿球。碑是術所立。其書甚工。云是官也。梁鷓奔劉表。魏武帝破
 荊州。募求鷓。鷓之為選部也。魏武欲為洛陽令。而以為北部尉。故
 懼而自縛。詣門。署軍假司馬。在祕書。以勤書自效。是以今者多有
 鵠手跡。魏武帝懸著帳中。及以釘辟。翫之。以為勝。宜官今宮殿題

署多用鵠象。鵠宜為大字。邯鄲淳宜為小字。鵠謂淳得次仲法。然鵠之用筆，盡其勢矣。鵠弟子毛弘，教於祕書。今八分皆弘法也。漢末有左子邑，小與淳鵠不同。然亦有名。魏初有鍾胡二家，為行書法。俱學之。於劉德升而鍾氏小異。然亦各有巧。今大行於世云。作隸勢曰鳥跡之變，乃惟佐隸。獨彼繁文，崇此簡易。厥用既弘，體象有度。煥若星陳，鬱若雲布。其大徑尋細，不容髮。隨事從宜，靡有常制。或穹隆恢廓，或櫛比鉞列。或砥平繩直，或蜚蜚膠戾。或長邪角趣，或規旋矩折。修短相副，異體同勢。奮筆輕舉，離而不絕。纖波濃點，錯落其間。若鐘簾設，張庭燎飛煙，斬巖嶽嵯峨，高下屬連，似崇臺

重字增雲冠山遠而望之，若飛龍在天。近而察之，心亂目眩，竒姿譎詭，不可勝原。研桑所不能計，宰賜所不能言。何草篆之足算，而斯文之未宣。五體大之難睹，將秘奧之不傳。駢俯仰而詳觀，舉大較而論旃。漢興而有草書，不知作者姓名。至章帝時，齊相杜度，預善作篇。後有崔援、崔實，亦皆稱工。杜氏殺字甚安，而書體滋瘦。崔氏甚得筆勢，而結字小疎。弘農張伯英者，因而轉精，甚巧。凡家之衣帛，必書而後練之。臨池學書，池水盡黑。下筆必為楷，則號忽忽不暇。草書寸紙不見遺。至今世尤寶其書。韋仲將謂之草聖。伯英弟文舒者，次伯英。又有姜孟穎、梁孔達、田彥和及韋仲將之徒，皆

伯英弟子有名於世然殊不及文舒也羅叔景趙元嗣者與伯英
 並時見稱於西州而矜巧自與眾頗惑之故英自稱上比崔杜不
 之下方羅趙有餘河間張超亦有名然雖與崔氏同州不如伯英
 之得其法也崔瑗作草書勢曰書契之興始自頡皇寫波鳥跡以
 定文章爰暨末葉典籍彌繁時之多僻政之多權官事荒蕪勅其
 墨翰惟作伏隸舊字是刪草書之法蓋又簡略應時論指用於卒
 迫兼功并用愛日省力純儉之變豈必古式觀其法象俯仰有儀
 方不中矩圓不副規抑左揚右望之若崎竦企鳥跂志在飛移
 獸暴駭將奔未馳或點點點狀似連珠絕而不離畜怒怫鬱故

邊生竒或凌邃愴慄若據高臨危翦點邪附似蝸蟻揭枝絕筆收
 勢餘縱糾結若杜伯捷毒緣戲騰蛇赴穴頭沒尾垂是故遠而望
 之隕焉若沮峯崩崖就而察之一畫不可移幾微要妙臨時從宜
 略舉大較髣髴若斯

通篇可作字賦字譜 王世貞

敘次點綴姿態橫生四勢六小賦之絕工者後世莫能及也

○○女史箴

張華

茫茫造化二儀既分散氣流形既陶既甄在帝庖羲肇經天人爰
 始夫婦以及君臣家道以正而王猷有倫婦德尚柔含章貞吉婉
 嫵淋慎正位居室施衿結褵虔恭中饋肅慎爾儀式瞻清懿樊姬
 感莊不食鮮禽衛女矯桓耳忘和音志厲義高而二主易心玄熊
 攀檻馮媛趨進夫豈無畏知死不恡班妾有辭割驩同輦夫豈不
 懷防微慮遠道開法因隆而不殺物無盛而不衰日中則昃月滿則微
 崇猶塵積替若駭機人咸知節其容而莫知飾其性性之不飾或
 愆禮正斧之藻之克念作聖出其言善千里應之苟違斯義則同

余以疑夫出言如微而榮辱由茲勿謂幽昧靈監無象勿謂玄漠
 神聽無響無矜爾榮天道惡盈無恃爾貴隆隆者墜鑒於小星戒
 彼佞遂比心螽斯則繁爾類驩不可以黷寵不可以專專實生慢
 愛極則遷致盈必損理有固然美者自美翻以取尤治容求好君
 子所讐結恩而絕職此之由故曰翼翼矜矜福所以興靖恭自思
 榮顯所期女史司箴敢告庶姬

四字韻語而插而字其中煞是矯健有勢蓋本虞箴忘其國恤
 而思其塵牡來○雖是四言却流動有頓挫調圓而意活後來
 大寶箴本此孫鑄○一意寫來曲折變化章法得之金人銘

○藥論

張華

神農經曰上藥養命為五石之練形六芝之延年也中藥養性合
 歡蠲忌萱草忘憂下藥治病謂大黃除實當歸止痛夫命之所以
 延性之所以利痛之所以止當其藥應以痛也違其藥失其應即
 怨天尤人設鬼神矣

華又有酒論云重醞醇醴沃土泉清甜苦無常五味相并

○鷓鴣賦序

鷓鴣小鳥也生於蒿萊之間長於藩籬之下翔集尋常之內而生
 生之理足矣色淺體陋不為人用形微處卑物莫之害繁滋族類

羣居匹遊。翩翩然有以自樂也。彼鷲鷂鴻。孔雀翡翠。或陵赤霄之際。或託絕垠之外。翰舉足以冲天。翮距足以自衛。然皆負增嬰。繳羽毛入貢。何者有用於人也。夫言有淺而可以託深。類有微而可以喻大。故賦之云。

○相風賦序

太史候部有相風。在西城上。而作者弗為。豈以其託處幽閑。違眾特立。無羽毛之飾。而丹漆不為之容乎。

最有筆意

○請復選舉疏

衛 准

管聖王崇賢舉善而教用。使朝廷德讓。野無邪行。誠以閭伍之政。足以相檢。詢事考言。必得其善人。知名不可虛求。故還修其身。是以崇賢而俗益穆。黜惡而行彌篤。斯則鄉舉里選者。先王之令典也。自茲以降。此法陵遲。魏氏承顛覆之運。起喪亂之後。人士流移。考詳無地。故立九品之制。粗具一時選用之本耳。其始造也。鄉邑清議。不拘爵位。褒貶所加。足為勸勵。猶有鄉論餘風。中間漸染。遂計資定品。使天下觀望。唯以居位為貴。人棄德而忽道業。爭多少於錐刀之末。傷損風俗。其弊不細。今九域同規。大化方始。臣等以

為宜皆蕩除末法一擬古制以古斷定自公卿以下皆以所居為
 正無復懸客遠屬異土者如此則同鄉鄰伍皆為邑里郡縣之宰
 即以居長盡除中正九品之制使舉善進才各繇鄉論然則下敬
 其上人安其教俗與政俱清化與法並濟人知善否之教不在交
 游即華競自息各求於已矣今除九品則宜準古制使朝臣共相
 舉任於出才之路既博且可以厲進賢之公心覈在位之明闇誠
 令典也

選舉之制世不一論要以程才廣用漢法自為簡盡九品權時
 非經通之道誠嘉謨也 陸夢龍

知名不可虛求則還修其身此語可謂簡到

○ ○ 駁不用古尺奏

擊虞

時陳勰掘地得古尺尚書奏今尺長於古尺宜以古為正潘岳以為習用既久不宜復改故虞駁之
 昔聖人有以見天下之賾而擬其形容象物制器以存時用故參天兩地以正算數之紀依律計分以定長短之度其作之也有則故用之也有微考步兩儀則天地無所隱其情準正三辰則懸象無所容其謬施之金石則音韻和諧措之規矩則器用合宜一木不差而萬物皆正及其差也事皆反是今尺長於古尺幾於半寸樂府用之律呂不合史官用之歷象失占醫署用之孔穴乖錯此三者度量之所由生得失之所取徵皆絃閱而不得通故宜改今

晉文鈔
而從古也。唐虞之制，同律度量衡，仲尼之訓，謹權審度，今兩尺並
用，不可謂之同，知失而行，不可謂之謹，不同不謹，是謂謬法，非所
以執物垂則，示人之極。凡物有多而易改，亦有少而難變，亦有改
而致煩，有變而之簡，度量是人所常用，而長短非人所戀惜，是多
而易改者也。正失於得，反邪於正，一時之變，永世無二，是變而之
簡者也。憲章成式，不失舊物，季末苟合之制，異端雜亂之用，當以
時釐改。貞夫一者也。臣以為宜如所奏。
安仁語殊無學問，仲洽此駁，可謂條暢名通。

○○致齊王問箋

摯虞

間於張華沒後，入中書省，得華先帝時答詔本，草先帝問華可以
輔政持重，付以後事者，華答明德至親，莫如先王，宜留以為社稷
之鎮，其忠良之謀，款誠之言，信於幽冥，沒而後彰，與苟且隨時者
不可同世而論也。議者有責華以愍懷太子之事，不抗節廷爭，當
此之時，諫者必得違命之死，先聖之教，死而無益者，不以責人，故
晏嬰齊之正卿，不以崔杼之難，季札吳之宗臣，不爭逆順之理，理
盡而無所施者，固聖教之所不責也。
不沾沾訟華，第引斷大體，表以較事，斯為校款之要論。朱東觀

武帝問華誰可託後事者華云明德至親莫如齊王攸攸罔之父也○華為趙王倫所誅倫敗罔輔政虞乃致書於罔罔奏復華官爵遣使弔祭之○愍懷太子之禍諸公王莫有言者惟華與裴頠申救之得免為庶人此大節也虞此議固為公正不可少者

○荅杜預喪服書

摯虞

唐稱過密殷諒闇解杜預錄詳云諒闇各舉事以為名非既葬有殊降周室以來謂之喪服喪服者以服表喪今帝者一日萬幾太子監撫之重以宜奪禮葬訖除服變制通理垂典將來何必附之於古使老儒致爭哉

既虞卒哭除服正位議禮之家屢代紛紛矣要以盡終制之名而聽政冢宰則楊駿之於晉隋文之於周篡亂之禍必盛矣世無周公其人其尤以權時為重哉陸夢龍
元顛考據精詳仲洽引義斷決並足裨益經傳闢腐儒之口舌

東堂策問

頃日食正陽水旱為菑將何所修以變大青及法令有不宜於今為公私所患苦者皆何事凡平世在於得才得才者亦僭耳目以聽察若有文武器能有益於時務而未見申敘者各舉其人及有負俗謫議宜先洗濯者亦各言之

對策

摯虞

臣聞古之聖明原始以要終體本以正末故憂法度之不當而不憂人物之失所憂人物之失所而不憂菑害之流行誠以法得於此則物理於彼人和於下則菑消於上其有日月之青水旱之菑

則反聽內視。求其所由。遠觀諸物。近驗諸身。耳目聽察。豈或有蔽其聰明者乎。動心出令。豈或有傾其常正者乎。大官大職。豈或有授非其人者乎。賞罰黜陟。豈或有不得其所者乎。河濱山巖。豈或有懷道釣築。而未感於夢寤者乎。方外遐裔。豈或有命世傑出。而未蒙膏澤者乎。推此類也。以求其故。詢事考言。以盡其實。則天人之情。可得而見。欲徵之。至可得而救也。若推之於物。則無忤求之於身。則無尤。萬物理順。內外咸宜。祝史正辭。言不負誠。而日月錯行。天厲不戒。此則陰陽之事。非吉凶所在也。期運度數。自然之命。固非人事所能供御。其亦振廩散滯。貶食省用而已矣。是故誠遇

期運。則雖陶唐殷湯。有所不變。苟非期運。則宋衛之君。諸侯之相。猶能有感。唯陛下審其所由。以盡其理。則天下幸甚。臣生長華門。不逮異物。雖有賢才。所未接識。不敢瞽言。妄舉無以疇答聖問。風範雅正。猶有賈董之遺。

○文章流別論

摯虞

文章者所以宣上下之像。明人倫之叙。窮理盡性以究萬物之宜者也。王澤流而詩作。成功臻而頌興。德勳立而銘著。嘉美終而誄集。祝史陳辭。官箴至闕。周禮太師掌教六詩。曰風。曰賦。曰比。曰興。曰雅。曰頌。此一國之事。繫一人之本。謂之風。言天下之事。形四方之風。謂之雅。頌者美盛德之形容。賦者敷陳之稱也。比者喻類之言也。興者有感之辭也。後世之為詩者多矣。其功德者謂之頌。其餘則總謂之詩。頌詩之美者也。古者聖帝明王。功成治定而頌聲興。於是奏於宗廟。告於鬼神。故頌之所美者。聖正之德也。古之作

詩者發乎情止乎禮義情之發因辭以形之禮義之指須事以明之故有賦焉所以假象盡辭敷陳其志古詩之賦以情義為主以事類為佐今之賦以事形為本以義正為助情義為主則言省而文有例矣事形為本則言當而辭無常文之煩省辭之險易蓋由於此夫假象過大則與類相遠逸辭過壯則與事相違辯言過理則與義相失麗靡過美則與情相悖此四過者所以背大體而害政教是以司馬遷割相如之浮說揚雄疾辭人之賦麗以淫詩之流也有三言四言五言六言七言九言古詩率以四言為體而時有一二句雜在四言之間後世演之遂以為篇古詩之三言者

振振鷺鷺于飛之屬是也五言者誰為雀無角何以穿我屋之屬是也六言者我姑酌彼金罍之屬是也七言者交交黃鳥止于桑之屬是也九言者洞酌彼行潦挹彼注茲之屬是也夫詩雖以情志為本而以成聲為節然則雅音之韻四言為正其餘雖備曲折之體而非詩之正也

假象過大數語可以補士衡文賦之未備成聲為節鈔得詩樂相貫之理可與知者言也

之。雖。而。非。精。之。五。也。
 志。為。本。而。心。為。聲。為。清。然。限。聲。音。之。節。四。言。為。五。其。論。輒。斷。曲。於。
 之。聲。長。也。以。言。音。同。酒。如。行。燕。味。如。主。茲。之。歸。長。也。夫。指。輒。心。計。
 長。也。六。言。音。如。故。酒。如。金。壘。之。歸。長。也。以。言。音。交。交。黃。真。五。于。桑。
 琳。琳。聲。響。于。孫。之。聲。長。也。五。言。音。如。故。音。如。無。角。何。以。卒。如。風。之。

○ 輓歌議

摯虞

輓歌因倡和而為摧愴之聲。銜枚所以全哀。此亦以感眾。雖非經
 典所載。是歷代故事。詩稱君子作歌。惟以告哀。以歌為名。亦無所
 嫌。宜定新禮。如舊。

獨弦哀歌。悲歌當泣。並是古語。此義固無不通也。

○師服議

摯虞

自古無師服之制。故仲尼之喪。門人疑於所服。子貢曰。昔夫子之喪。顏回若喪子而無服。請喪夫子若喪父而無服。遂心喪三年。此則懷三年之哀。而無齊衰之制也。群居入則經。出則否。所謂弔服加麻也。先聖為禮。必易從而可傳。師徒義誠重。而服制不著。歷代相襲。不以為缺。且尋師者以彌高為得。故屢遷而不嫌。脩業者以日新為益。故舍舊而不疑。仲尼稱三人行。必有我師焉。子貢云。夫子常師之。有淺學之師。暫學之師。不可皆為之服。義有輕重。服有廢興。則臧否由之而起。是非因之而爭。慶惡相攻。悔吝生焉。宜定

新禮無服如舊

情理曉暢不俟煩多

○省吏議

荀勗

省吏不如省官。省官不如省事。省事不如清心。昔蕭曹相漢載其清靜致畫一之歌。此清心之本也。漢文垂拱幾致刑措。此省事也。光武并合吏員。縣官國坐裁置十一。此省官也。魏太和中遣王人四出。減天下吏員。正始中亦并合郡縣。此省吏也。今必欲求之於本。則宜以省事為先。凡居位者。使務思蕭曹之心。以翼佐大化。篤義行。崇敦睦。使昧寵忘本者不得容。而偽行自息。浮華者懼矣。重敬讓。尚止足。令賤不妨貴。少不陵長。遠不間親。新不間舊。小不加大。淫不破義。則上下相安。遠近相信矣。位不可以進。趣得譽不可

以朋黨求。則是非不妄而明。官人不惑於聽矣。去奇技。抑異說。好變舊。以徼非常之利者。必加其誅。則官業有常。人心不遷矣。事留則政稽。政稽則功廢。處位者而孜孜不怠。奉職司者而夙夜不懈。則雖在挈瓶而守不假器矣。使信若金石。小失不害大政。忍忿悁以容之。簡文案略。細苛令之所施。必使人易視聽。願之如陽春。畏之如雷震。勿使微文煩擾。為百吏所黷。二三之命。為百姓所餐。則吏竭其誠。下悅上命矣。設官分職。委事責成。君子心競而不力爭。量能受任。思不出位。則官無異業。政典不紆矣。凡此皆愚所謂省事之本也。苟無此愆。雖不省事。天下必謂之省矣。若欲省官。私謂

九寺可并於尚書。蘭臺宜省付三府。然施行歷代。世之所習。是以久抱愚懷。而不敢言。至於省事實以為善。若直作大例。皆減其半。恐文武衆官。郡國職業及事之興廢。不得皆同。凡發號施令。典而當則安。儻有駁者。或至壅否。凡職所臨履。先精其得失。使忠信之官。明察之長。各裁其中。先條上言之。然後混齊大體。詳宜所省。則令下必行。不可搖動。如其不爾。恐適惑人聽。比前行所省。皆須更輒復。或激而滋繁。亦不可不重。設官分職。繁簡之數。亦繇時宜。然事煩官曠。叢挫之弊。遂成此議。列省事之善。可謂詳明得體。陸夢龍

汰冗濫之官，捐不急之務，而其源在於清心寡欲。即從來議者無以易也。首三句槩括簡當，至蕭曾似得黃老之緒耳。而便以為清心之本，或亦未之深求。

○陳時政疏

傅玄

臣聞舜舉五臣，無為而化。用人得其要也。天下羣司猥多，不可不審得其人。也不得其人，一日則損，不貳，况積日乎。典謨曰：無曠庶官。言職之不可久廢也。諸有疾病，滿百日不差，宜令去職。優其禮秩而寵存之。既差而後更用，臣不廢職於朝。國無曠官之累。此王政之急也。臣聞先王分士農工商以經國制事，各一其業而殊其務。自士已上子弟為之，立太學以教之，選明師以訓之，各隨其材優劣而授用之。農以豐其食，工以足其器，商賈以通其貨。故雖天下之大，無之眾，無有一人游手。今數之法，周備如此。漢魏不定。

其分百官子弟不脩經藝而務交遊。未知蒞事而坐享天祿。農工之業多廢。或逐淫利而離其事。徒繫名於太學。然不聞先王之風。今聖明之政資始。而漢魏之失未改。散官衆而學校未設。游手多而親農者少。工器不盡其宜。臣以為亟定其制。通計而天下若干人為士。足以副在官之吏。若干人為農。三年足有一年之儲。若干人為工。足其器用。若干人為商賈。足以通貨而已。尊儒尚學。貴農賤商。此皆事業之要務也。前皇甫陶上事。欲令賜拜散官。皆課使親耕。天下享足食之利。禹稷躬稼。祚流後世。是以明堂月令。著帝籍之制。伊尹古之名臣。耕於有莘。晏嬰齊之大夫。避莊公之難。亦

引語不類

意做商君

耕於海濱。昔者聖帝明王。賢佐俊士。皆嘗從事於農矣。王人賜官。冗散無事者。不替使學。則當使耕。無緣放之使坐食。百姓也。今文武之官既衆。而拜賜不在職者。又多加以服役為兵。不得耕稼。當農者之半。南面食祿者。衆倍於前。使冗散之官。農而收其租稅。家得其實。而天下之穀。可以無乏矣。夫家足食。為子則孝。為父則慈。為兄則友。為弟則悌。天下足食。則仁義之教。可不令而行也。為政之要。計人而置官。分人而授事。士農工商之分。不可斯須廢也。若未能精其防制。計天下文武之官。足為副貳者。使學其餘。皆歸之於農。若百工商賈有長者。亦皆歸之於農。務農若此。何有不贍乎。

虞書曰。三載考績。三考黜陟幽明。是為九年之後。乃有遷敘也。故官久則念立慎終之化。居不見久則競為一切之政。六年之限。日月淺近。不周黜陟陶之所上。義合古制。夫儒學者。王教之首也。尊其道。貴其業。重其選。猶恐化之不崇。忽而不以為急。臣懼日有陵遲而不覺也。仲尼有言。人能弘道。非道弘人。然則尊其道者。非惟尊其書而已。尊其人之謂也。貴其業者。不妄教。非其人也。重其選者。不妄用。非其人也。若此而學校之綱舉矣。

陳論非特救時之略。皆可易世不弊者。言辭警直。適符其人。史稱玄天性峻急。每有奏劾。或值日暮。捧白簡。練踊不寐。於是貴

游憚伏。臺閣生風。其雅尚亦概可觀已。 楊廷樞

其功。其德。其業。其選。其化。其政。其教。其首。其尊。其道。其貴。其重。其選。其不。其妄。其用。其非。其人也。若此。而學校之綱。舉矣。

辨辨必臺閣主風其難尚亦辨下辨也

○○扶風馬鈞序

傅玄

馬先生天下之名巧也。少而遊豫，不自知其為巧也。當此之時，言不及巧焉。可以言知乎？為博士居貧，乃思綾機之變，不言而世人知其巧矣。舊綾機五十綜者五十躡，六十綜者六十躡。先生患其喪功費日，乃皆易以十二躡。其奇文異變，因感而作者，猶自然之成形。陰陽之無窮，此輪扁之對，不可以言言者。又焉可以言校也。先生為給事中，與常侍高堂隆、驍騎將軍秦朗，爭論於朝。言及指南車，二子謂古無指南車，記言之虛也。先生曰：古有之，未之思耳。夫何遠之有！二子哂之曰：先生名鈞，字德衡。鈞者器之模，而衡者

所以定物之輕重、輕重無準、而莫不摸哉。先生曰：虛爭空言，不如試之易效也。於是二子遂以白明帝，詔先生作之，而指南車成。此一異也。又不可以言者也。從是天下服其巧矣。居京都城內有地，可以為園，患無水以灌之，乃作翻車，令童兒轉之，而灌水自覆，更入更出，其巧百倍於常。此二異也。其後人有上百戲者，能設而不能動也。帝以問先生，可動否？對曰：可動。帝曰：其巧可益否？對曰：可益。受詔作之，以更奇大木彫構，使其形若輪，平地施之，潛以水發焉。設為女樂舞象，至今木人擊鼓吹簫，作山嶽，使木人跪丸擲劍緣繩，倒立出入，自在百官行署，春磨闢鷄變巧百端。此三異也。先生見

諸葛連弩曰：巧則巧矣，未盡善也。言作之可令加五倍。又患發石車，敵人之於樓邊懸濕牛皮中之則，隋石不能連屬而至。欲作一輪懸大石數十，以機鼓輪為常，則以斲懸石飛擊敵城，便首尾電至。嘗試以車輪懸，領斲數十飛之，數百步矣。有裴子者，上國之士也，精通見理，聞而哂之，乃難先生。先生口屈不對。裴子自以為難，得其要言之不已。傳子謂裴子曰：子所長者言也，所短者巧也。馬氏所長者巧也，所短者言也。以子所長擊彼所短，則不得不屈。以子所短難彼所長，則必有所不解者。夫巧天下之微事也，有所不解而難之不已，其相擊刺必已遠矣。心乖於內，口屈於外，此馬所

以不對也。傅子見安鄉侯言及裴子之論安鄉侯又與裴子同。傅子曰：聖人具體備物，取人不以一揆也。有以神取之者，有以言取之者，有以事取之者，有以神取之者，不言而誠心先達，德行穎淵之倫是也。以言取之者，以變辯是非，言語宰我子貢是也。以事取之者，若政事冉有季路，文學子游子夏，雖聖人之明盡物，如有所用，必有所試。然則試冉季以政，試游夏以學矣。游夏猶然，况自此而降者乎？何者？懸言物理，不可以言盡也。施之於事，言之難盡，而試之易知也。今若馬氏所欲作者，國之精器，軍之要用也。貴十尋之木，勞二人之力，不經時而是非定，難試易驗之事，而輕以言抑

人。異能此猶以已智任天下之事，不易其道，以御難盡之物。此所以多廢也。馬氏所作因變而得，是則初所言者不皆是矣。其不皆是，因不用之，是不世之巧無由出也。夫同情者相如，同事者相害，中人所不能免也。故君子不以人害人，必以考試為衡石，廢衡石而不用，此美玉所以見誣為石，荆和所以抱璞而哭之也。於是安鄉侯悟，遂言之武安侯。武安侯忽之，不果試也。此既易試之事，又馬氏巧名已定，猶忽而不察，况幽深之才無名之樸乎？後之君子，其鑒之哉。馬先生之巧，雖古公輸班、墨翟、王爾、近漢世張平子，不能過也。公輸般、墨翟皆見用於時，乃有益於世。平子雖為侍中，馬

先生雖給事省中俱不典工官。巧無益於世。用人不當其才。聞賢不試以事。良可恨也。裴子者裴秀。安鄉侯者曹羲也。武安侯者曹爽也。

敘馬先生巧處殊為津津而感慨之意層疊相見

○乘輿馬賦序

傅玄

注曰劉備之初降也。太祖賜之駿馬。使自至。歷選之。歷名馬以百數。莫可意者。次之下廄。有的顛馬。委棄莫視。疲瘁骨立。劉備撫而取之。眾莫不笑之。馬超破蘇氏塢。塢中有駿馬百餘匹。自超以下俱爭取肥好者。而將軍龐恩獨取一駟。馬形觀既醜。眾亦笑之。其後劉備奔於荊州。馬超戰於渭南。逸足電發。追不可逮。眾乃服焉。相馬失之。瘠。相士失之。貧。讀此序。愈覺古語有味。

[Faint bleed-through text from the reverse side of the page]

○口銘

傅玄

神以感通。心由口宣。福生有兆。禍來有端。情莫多妄。口莫多言。蟻孔潰河。溜穴傾山。病從口入。禍從口出。存亡之機。開闔之術。口與心謀。安危之源。樞機之發。榮辱存焉。

○棟銘

國有維輔。室有棟梁。室之傾尚。可柱也。心之傾。不可輔也。

○筆銘

鞞鞞形管。冉冉輕翰。正色玄墨。銘心寫言。

○燈銘

晃晃華燈。含滋炳靈。素膏流液。玄炷亭亭。丹水陽輝。飛景蘭亭。

○劍銘 并序

道○德○不○修○雖○有○千○金○之○劍○何○所○用○之○先○王○觀○變○而○服○劍○所○以○立○武○象○也○太○上○有○象○而○已○其○次○則○親○用○之○銘○曰○光○文○耀○武○以○衛○乃○國○

○澡盆

與其深於水。寧深於德。水之清猶可穢也。德之修不可磨也。

○水龜

鑄茲靈龜。體象自然。含出源水。有似清泉。潤彼玄墨。染此弱翰。甲情寫素。經緯羣言。

○靈蛇

嘉茲靈蛇。斷而能續。飛不須翼。行不假足。上騰霄霧。下遊山嶽。進此明朱。預身龍族。

假中凡諸銘中多質秀之詞

Faint bleed-through text from the reverse side of the page, appearing as vertical columns of light characters.

○箏賦序

傅玄

箏以為蒙恬所造。今觀其器上圓似天，下平似地，中空准空，合弦柱十二，擬十二月設之，則四象存，鼓之則五音發，體合法度，節究哀樂。斯乃仁智之器也。豈亾國之臣所能開思運巧哉。或以為蒙恬所造，非也。

○序連珠

所謂連珠者，興於漢章帝之世。班固賈逵傳毅三才子受詔作之。而蔡邕張華之後，又廣焉。其文體辭麗而言約，不指說事情，必假喻以達其旨。而賢者微悟，合於古詩勸興之義，欲使歷歷如貫珠。

易觀而可悅。故謂之連珠也。班固喻美辭。壯文章。弘麗最得其體。蔡邕似論言質而辭碎。然旨篤矣。賈逵儒而不豔。傅毅文而不典。二叙考據不苟。而運筆正復秀約多風。

○與楊駿箋

傅咸

事與世變。禮隨時宜。諒闇之不行。尚矣。繇世道彌薄。權不可假。故雖斬馬在疚。而躬覽萬機也。逮至漢文。以天下體大。服重難久。遂制既葬而除。世祖武帝。雖大孝烝烝。亦從時釋服。制心喪三年。至於萬機之事。則有不違。今聖上欲委政於公。諒闇自居。此雖謙尚之心。而天下未以為善。天下未以為善者。以億兆顯顯。戴仰宸極。聽於冢宰。懼天光有蔽。人心既已。害此而明公處之。固未為易也。竊謂山陵之事。既畢。明公當思隆替之宜。周公聖人。猶不免謫。以此推之。周公之任。既未易而處。况聖上春秋非成王之年乎。得

意忘言言未易盡苟明公有以察其慳款言豈在多
婉而暢言不煩而意極款至

○荅楊濟書

傅咸

衛公云酒色之殺人此甚於作直坐酒色死人
不為悔遂畏以直致禍此由心不直正欲以苟且為明
欺耳自古以直致禍者當自矯枉過直或不忠
乞欲以亢厲為聲故致忿耳安有慳慳為忠益
而當見疾乎

顧榮謂傅長虞劾直忠果劾按驚人雖非周才偏亮可貴此書
固是其寫照

○司隸教

傅咸

司隸校尉舊稱臥虎誠以舉綱而萬目理提領而衆毛順者也

○燭銘

煌煌丹燭焰焰飛光取則龍景擬象扶桑照彼玄夜炳若朝陽焚形監世無隱不彰

○畫像賦序

想頭甚奇

先有畫卞和之像者以為臧文仲之知柳下惠之賢而不與立卞和自削以有證相去遠矣戲畫其像於卞子之旁赤其面以示猶有慙色

○羽扇賦序

昔吳人直截鳥翼而搖之。風不減。方圓二扇。而功無加。然中國莫有生意者。滅吳之後。翕然貴之。無人不用。

○鸞賦序

有言鸞今年巢在此。明歲故復來者。其將逝。翦爪識之。其後果至焉。

○叩頭蟲賦序

叩頭蟲蟲之微細者。然教之。輒叩頭。人以其叩頭。傷之不祥。故莫之害也。

○桑樹賦序

世祖昔為中壘將軍。於直廬種桑一株。迄今三十餘年。其茂盛不衰。哀皇太子入朝。以此廬為便坐。

並以短斷為妙。元結諸詩歌序大約倣晉人也。

並心賦格為妙。其語皆過有六。此始晉人也。

東皇太子八。陳以世靈為好坐。

世取昔為中。靈外軍公直靈蘇。桑一林。立今三十餘年。其文風不

○桑樹銀衣

○劾王戎等奏

傅咸

戎簡位台輔。兼掌選舉。不能謐靜風俗。以凝庶績。至今人心傾動。開張浮競。中郎李重。李義不相。匡正。請免戎等官。

○劾王戎奏

書稱三載考績。三載黜陟。幽明今內外羣官居職未期。而戎奏還。既未定其優劣。且送故迎新。相望道路。巧詐繇生。傷農害政。戎不仰依堯舜典謨。而驅動浮華。虧敗風俗。非徒無益。乃有大損。宜免戎官。以敦風俗。

開張浮競。驅動浮華。彈章中新切之句。

○諫補內官書

傳成

臣咸以為夫興化之要在於官人才非一流職有不同譬諸林木
 洪纖枉直各有攸施故明揚逮於仄陋疇咨無拘內外之任出處
 隨宜中間選用惟內是隆外舉既頽復多節目競內薄外遂成風
 俗此弊誠宜急革之當內外通塞無所偏耳既使通塞無偏若選
 用不平有以深責責之苟深無憂不平也且膠柱不可以調瑟况
 乎官人而可以限乎伏思所限者以防選用不能出人不能出人
 當隨事而制無須限法法之有限其於致遠無乃泥乎或謂不制
 其法以何為責臣聞刑懲小人義責君子君子之責在心不在限

也。正始中任何晏以選舉內外之眾職各得其才，粲然之美於斯。可觀如此，非徒御之以限法之所致，乃委任之繇也。委任之懼甚於限法，是法之失，非已之尤，尤不在已，責之無懼，所謂齊之以刑，人免而無恥者也。苟委任之一則慮罪之及，二則懼致怨謫，已快則朝野稱詠，不善則眾惡見歸，此之戰戰孰與倚限法以苟免乎。官人貴於不偏，制事無須限法，明辨大體之論。鍾惺

○陳世俗奢侈書

傅咸

臣以為穀帛難生而用之不節，無緣不匱，故先王之化，天下食肉衣帛，皆有其制，竊謂奢侈之費甚於天災。古者堯有茅茨，今之百姓競豐其屋，古者臣無玉食，今之賈豎皆厭梁肉，古者后妃乃有殊飾，今之婢妾被服綾羅，古者大夫乃不徒行，今之賤隸乘輕驅肥，古者人稠地狹而有儲蓄，繇於節也。今者土廣人稀而患不足，繇於奢也。欲時之儉，當詰其奢，奢不見詰，轉相高尚。昔毛玠為吏部尚書時，無敢好衣美食者，魏武帝歎曰：孤之法不如毛尚書，令使諸部用心各此毛玠，風俗之移在不難矣。

奢侈之費甚於天灾此語警絕

○攝職上奏表

傅咸

臣既駑弱不勝重任加在哀疾假息日闕陛下過意授非所堪披
 露丹款歸窮上聞謬詔既往終然無改臣雖不能滅身以全禮教
 義無覷然虛忝隆寵前受嚴詔視事之日私心自誓隕越為報以
 貨賂流行所宜深絕切救都官以此為先而經彌日月未有所得
 斯繇陛下有以獎厲慮於愚慙將必死繫故自掩檢以避其鋒耳
 在職有日既無赫然之舉又不應弦垂翅人誰復憚故光祿大夫
 劉毅為司隸聲震內外遠近清肅非徒毅有王臣匪躬之節亦繇
 所奏見從威風得伸也

率懷直質。無所撓阻。猶見當時簡易之風。陸夢龍
惠帝詔荅咸云。但當思必應繩中理。威風自伸。何獨劉毅。語亦
凱切

○ ○ 駁改社表

傳 咸

祭法二社各有其義。天子尊事郊廟。故冕而躬耕也。所以重孝
享之。樂盛致殷。薦於上帝也。穀梁傳曰。天子親耕以供粢盛。親耕
謂自報。自為立社者為籍而報也。國以人為本。人以穀為命。故又
為百姓立社而祈報焉。事異報殊。此社之所以有二也。王景侯之
論王社亦謂春祈籍田。秋而報之也。其論太社則曰。王者布下圻
內。為百姓立之。謂之太社。不自立之於京師也。景侯此論據祭法
大夫以下成羣立社。曰置社。景侯解曰。今之里社是也。景侯解祭
法。則以置社為人間之社矣。而別論復以太社為人間之社。未曉

此旨也。太社天子為人而祀，故稱天子社。郊特牲曰：天子太社，必受霜露風雨，夫以羣姓之衆，王者通為立社，故稱太社。若夫置社，其數不一，蓋以里所為名。左氏傳：盟於清丘之社，是也。人間之社，既以不稱太矣。若夫不立之京都，當安所立乎？祭法又曰：王為羣姓立七祀，自為立七祀，言自為者，自為而祀也。為羣姓者，為羣姓而祀也。太社與七祀，其文立等。說者窮此，因云墳籍但有五祀，無七祀也。按祭五祀，國之大社，七者小祀。周禮所云祭凡小祀，則墨冕之屬也。景侯解大厲曰：如周社，伯鬼有所歸，乃不為厲。今云無二社者，稱景侯祭法不謂無二，則曰口傳無其文也。夫以景侯之

明擬議而後為解，而欲以口論除明文如此，非但二社當見思惟。景侯之後解，亦未易除也。前被敕尚書召誥社於新邑，唯一大牢，不二社之明義也。按郊特牲曰：社稷太牢，必援一牢之文，以明社之無二，則稷無牲矣。說者則曰：舉社以明稷，何獨不可舉一以明二國之大計？在祀與戎，若有過而除之，不若過而存之。况存之有義，而除之無據乎？周禮封人掌設社壇，無稷字。今帝社無稷，蓋出於此。然國主社稷，故經傳動稱社稷。周禮王祭稷，則絺冕。此王社有稷之文也。封人設壇之無稷字，說者以為畧文，從可知也。謂宜仍舊立二社，而加立帝社之稷。

結得住

二社之義甚明令人以社字為諱何耶

○諫齊王攸就國表

庾 粲

書稱帝堯克明俊德以親九族武王光有天下兄弟之國十有六
 人同姓之國四十人元勳睦親顯以殊禮而魯衛齊晉大啓土宇
 並受分器所謂惟善所在親疎一也大晉龍興隆唐周之遠蹟王
 室親屬佐命功臣咸受爵土而四海乂安今吳會已平詔大司馬
 齊王出統方嶽當遂撫其國家將準古典以垂永制昔周之選建
 明德以左右王室也則周公為太宰康叔為司寇聃季為司空及
 召芮畢毛諸國皆入居公卿大夫之位明股肱之任重守地之位
 輕也○未聞古典以三事之重出之國者漢氏諸侯王位尊勢重在

丞相三公之上。其入譖朝政。若乃有兼官。其出之國。亦不復假台。司虛名為隆寵也。昔申無宇曰。五大不在邊。先儒以為貴寵公子。公孫累世正卿也。又曰。五細不在庭。先儒以為賤妨賢少陵長遠。間親新聞。舊小加大也。不在庭。不在朝。庭為政也。又曰。親不在外。羈不在內。今棄疾在外。鄭丹在內。君其少戒之。莽向有言。公室將卑。其枝葉先落。公族公室之本。而去之。諺所謂託焉而縱。尋斧柯者也。今使齊王賢邪。則不宜以母弟之親尊。居魯衛之常職。不賢耶。不宜大啓土宇。表見東海也。古禮三公無職。坐而論道。不聞以方任嬰之。惟周室大壞。宣王中興。四夷交侵。救急朝夕。然後命名。

穆公征淮夷。故其詩曰。徐方不回。王曰旋歸。宰相不得久在外也。今天下已定。六合為家。將數延三事。與論大平之基。而復出之。去王城二千里。違舊章矣。

是時武帝方忌攸。而朝臣竝歸心於攸。故多以就國為言者。峻倖尤切直。然而幾致不測。

[Faint bleed-through text from the reverse side of the page]

○論宜設禮讓表

庚峻

臣聞黎庶之性人衆而賢寡設官分職則官寔而賢衆為賢衆而多官則妨化以無官而棄賢則廢道是故聖王之御世也因人之性或出或處故有朝廷之士又有山林之士朝廷之士佐主成化猶人之有股肱心膂共為一體也山林之士被褐懷玉太上棲於丘園高節出於衆庶其次輕爵服遠恥辱以全志最下就列位惟無功而能知止彼其清劬足以抑貪汙退讓足以息鄙事故在朝之士聞其風而悅之將受爵者皆恥躬之不逮斯山林之士避寵之臣所以為美也先王嘉之節雖離世而德合於主行雖詭朝而

功同於政。故大者有玉帛之命。其次有几杖之禮。以厚德載物。出處有地。既廊廟多賢才。而野人亦不失為君子。此先王之加也。秦塞斯路。利出一官。唯有處士之名。而無爵列於朝者。商君謂之六。竭韓非謂之五。蠹時不知德。惟爵是聞。故閭閻以公乘侮其鄉人。郎中以上爵傲其父兄。漢祖反之。大暘斯否。任蕭曹以天下。重四皓於南山。以張良之勲。而班在荊孫之後。蓋公之賤。而曹相諮之。以改。故帝王貴德於上。俗亦反本於下。故田叔等十人。漢廷臣無能出其右者。而未嘗干祿於時。以釋之之貴。結王生之襪於朝。而名愈重。自非主臣尚德兼愛。孰能通天下之志如此。其大者乎。夫

不革百王之弊。徒務救世之政。文士競智而務入。武夫恃力而爭。先官高矣。而意未滿。功報矣。其求不已。又國無隨才任官之制。俗無難進易退之恥。位一高。雖無功而不見下。已負敗而後見用。故因前而升。則處士之路塞矣。又仕者黜陟無章。是以普天之下。先競而後讓。舉世之士。有進而無退。大人溺於動俗。報政撓於羣言。衡石為之失平。清濁安可復分。昔者先王患向之。所以取天下者。今之為弊。是故功成必改其物業。定必易其教。雖以爵祿使下。臣無貪陵之行。雖以甲兵定功。主無窮武之悔也。臣愚以為古者大夫七十懸車。今自非元功國老。三司上才可聽。七十致仕。則士無

懷祿之嫌矣。其父母八十可聽終養，則孝莫大於事親矣。吏歷試無績，依古終身不仕，則官無疵政矣。能小而不能大，可降還蒞小，則使人以器矣。人主進人以禮，退人以禮，人臣亦量能受爵矣。其有孝如王陽、臨九折而去官，潔如貢禹、冠一免而不著，及知止如王孫、知足如疎廣，雖去列位而居東野，與人父言，依於慈，與人子言，依於孝，此其出言合於國檢，危行彰於本朝，去勢如脫屣，路人為之隕涕，辭寵如金石，庸夫為之興行，是故先王許之，而聖人貴之。夫人之性，陵上猶水之趣下也，益而不已必決，升而不已必困，始於匹夫行義，不敢終於皇輿，為之敗績，固不可不慎也。下人并

心進趣，上宜以退讓去其甚者，退讓不可以刑罰使，莫若聽朝士時時從志，山林往往間出，無使入者不能復出，往者不能復反，然後出處交泰，提衡而立，時靡有爭，天下可得而化矣。

與劉寔崇讓論意相似，而劉語頗傷冗率，此篇殊多妙議。

○ 抵疑

夏侯湛

當路子有疑夏侯湛者而謂之曰吾聞有其才而不遇者時也、
 其時而不遇者命也、吾子童幼而岐嶷、弱冠而著德、少而流聲、長
 而垂名、拔萃始立而登宰相之朝、揮翼初儀而受卿尹之舉、盪典
 籍之華、談先王之言、入閭闔、躡丹墀、染彤管、吐洪輝、干當世之務、
 觸人主之威、有效矣、而官不過散郎、舉不過賢良、鳳棲五柝、龍蟠
 六年、英耀禿落、羽儀摧殘、而獨雍容藝文、蕩駘儒林、志不輟著述
 之業、口不釋雅頌之音、徒費情而耗力、勞神而苦心、此術亦以薄
 矣、而終莫之辨、宜吾子之陸沉也、且以言乎才、則吾子優矣、以言

乎時則子之所與二三公者。義則骨肉之固。交則明道之觀也。富於德。貴於官。其所發明。雖叩牛操築之容。傭賃抱關之隸。負俗懷譏之士。猶將登為大夫。顯為卿尹。於何有寶咳唾之音。愛錙銖之力。向若垂一足。迴一翼。令吾子攀其飛騰之勢。挂其羽翼之末。猶奮迅於雲霄之際。騰驤於四極之外。今乃金口玉音。漠然沈默。使吾子棲遲窮巷。守此困極。心有窮志。貌有饑色。若江河之流。不以濯舟船之畔。惜東甌之光。不以窮貧婦之目。抑非二三公之蔽賢也。寔吾子之拙惑也。夏侯子曰。噫。湛也。幸有過人必知之矣。吾子所以襄飾之太矣。斟酌之喻。非小醜之所堪也。然過承古人之誨。

抑因子大夫之忝在敝室也。敢布其腹心。豈能隱几以覽其槩乎。客曰。敢祇以聽。夏侯子曰。吾聞先大夫孔聖之言。德之不修。學之不講。聞義不能徙。不善不能改。是吾憂也。四德具而名位不至者。非吾任也。是以君子求諸己。小人求諸人。僕也。承門戶之業。受過庭之訓。是以得接冠帶之末。充乎士大夫之列。頗闢六經之文。覽百家之學。弱年而入公朝。蒙蔽而當顯舉。進不能拔羣出萃。却不能抗排當世。志則乍顯乍昧。文則乍幽乍蔚。知之者則謂之欲道。遙以養生。不知之者則謂之欲違。違以求達。此皆未是儲之所置也。僕又聞世有道。則士無所執其節。黜陟明。則下不在量其力。是

以當舉而不辭。入朝而酬問。僕東野之鄙人。頑直之陋生也。不識當世之便。不達朝廷之情。不能倚靡容悅。出入崎傾。逐巧黜妍。嘔辯佞隨。羣班之次。伏簡墨之後。當此之時。若失水之魚。喪家之狗。行不勝衣。言不出口。安能干當世之務。觸人主之威。適足以露狂簡而增塵垢。縱使心有至言。言有偏直。此委卷之誠。非朝廷之欲也。今天子以茂德臨天下。以八方六合為四境。海內無虞。萬國玄靜。九夷之從。王化猶洪。聲之收。清響黎苗之樂。函夏若遊形之招。惠景鄉曲之徒。一介之士。曾諷急就。習甲子者。皆奮筆揚文。議制論道。出草苗。起林藪。御青鎖。入金墉者。無日不有。充三臺之寺。

盈中書之閣。有司不能竟其文。當年不能編其籍。此執政之所厭聞也。若乃羣公百辟。卿士常伯。被朱佩紫。耀金帶白。坐而論道者。又充路盈寢。黃幄王階之內。飽其尺牘矣。若僕之言。皆糞土之說。消磨灰爛。垢辱招穢。適可充衛士之糞。盈掃除之器。辟猶投盈寸之膠。而欲使江海易色。燒一羽之毛。而欲令大鑪增勢。若燎原之烟。彌天之雲。虛之不益其熱。喻之不減其氣。今子見僕入朝。整對便欲坐望高位。吐言數百。謂陵嶺一世。何吾子之失評也。僕固脂車以須放。秣馬以待却。反耕於枳落。歸志乎渦瀨。從容乎農支。優游乎卒歲矣。古者天子畫土以封羣后。羣后受國以臨其邦。懸大

賞以樂其成。列九伐以討其違。典哀相形。安危相傾。故在位者以
求賢為務。受任者以進才為急。今也則九州為一家。萬國為百郡。
政有常道。法有恒訓。因循而禮樂自定。揖讓而天下大順。夫道學
之貴遊。閭邑之縉紳。皆高門之子。世臣之胤。弘風長譽。推成而進。
悠悠者皆天下之彥也。諷誥訓傳。詩書講儒墨說。玄虛僕皆不如
也。二三公之簡僕於凡庸之肆。顯僕於細猥之中。則為功也重矣。
時而清談。則為親也周矣。且古之君子。不知士則不明。不安是以
居逸而思危。對食而肴乾。今也則否。居位者以善身為靜。以寡交
為慎。以弱斷為重。以怯言為信。不知士者無公誹。不得士者不私

愧。彼在位者皆稷契。益伊呂周召之倫。林豹仲熊之儔。稽古則
踰黃唐。經緯則越虞夏。蔑昆吾之功。蚩桓文之勲。抵秘管仲。蹶電
晏嬰。其遠則欲升鼎湖。近則欲超太平。方欲保重。嗇神獨善其身。
玄白冲虛。乞爾養真。雖力挾太山。將不舉一羽。揚波萬里。將不濯
一鱗。咳唾成珠玉。揮袂出風雲。豈肯蹴躡鄙事。取才進人。此又吾
子之失言也。子獨不聞夫神人乎。喻風飲露。不食五穀。登大清遊。
山嶽靡芝草。弄白玉。不因而獨備。無假而自足。不與人路。同嗜慾。
不與世務。齊榮辱。故能入無窮之門。享不死之年。以此言之。何待
進賢。客曰。聖人有言曰。邦有道。貧且賤。焉恥也。今子值有道之世。

晉文金
當太平之會，不攘袂奮氣發謀，出奇使鶴鳴受和，好爵見縻，抑乃
沉身廊署，約志勤卑，不亦羸哉！且伊尹之干成湯，甯戚之逐桓公，
或投已鼎俎，或庸身飯牛，明廢興之機，歌白水之流，德入殷王，義
感齊侯，故伊尹起庖厨而登阿衡，甯戚出車下而階大夫，外無微
介，內無請謁，矯身擢手，徑躡名位，吾子亦何不慕賢以自厲，希古
以慷慨乎？夏侯子曰：嗚呼！是何言歟！富與貴，是人之所欲，非僕之
所惡也。夫干將之劍，陸斷狗馬，水截蛟龍，而鉛刀不能入泥，騏驥
驂駟之乘，一日而致千里，而駑蹇不能邁，畝百鍊之鑑，別鬚眉之
數，而辨土不見秦山，鴻鵠高舉，橫四海之區，出青雲之外，而尺鷃

不陵桑榆，此利鈍之覺，優劣之決也。夫欲進其身者，不過千萬乘，
而僕以上朝堂，答世問，不過顯所知，僕以竭心思，盡才學，意無雅
正可準，論無片言可採，是以頓於鄙劣，而莫之能起也。以此言之，
僕何為其不自衒哉？子不嫌僕德之不劬，而疑其位之不到，是猶
反鏡而索照，登木而下釣，僕未以此為不肖也。若乃伊尹負鼎以
干湯，呂尚隱遊以徼文，傅說操築以寤主，甯戚擊角以要君，此非
僕所能也。莊周駘蕩以放言，君平賣卜以自賢，接輿陽狂以蔽身，
梅福棄家以求仙，此又非僕之所安也。若乃季札抗節於延陵，揚
雄覃思於太玄，伯玉和柔於人懷，柳下惠三緘於士官，僕雖不敏

竊頗彷彿其清塵

泰始中孝若舉賢良對策中第拜郎中累年不調乃作抵疑以自廣云○亦有異彩夏少鍊之為佳

[Faint bleed-through text from the reverse side of the page]

○虞舜贊

夏侯湛

有雲悒悒揖讓鼓琴垂拱臨民凱彼南音世澄道玄天下混心民思王度如玉如金

○顏子贊

知彰知微體深研機明象介石量同聖師援頤罔滯在言靡遺仰諸惟高瞻之攸希

○管仲像贊

堂堂管生志存興仁仁道在己唯患無身苞辱遠害思濟彝倫心寄鮑子勲成生民

○左丘明贊

世亂讒昧君子道憂丘明達聖致志春秋激言逃難苟行不流庶
幾斯文希志訓猷

○范蠡贊

悠悠范子求仁在己進報危國退弘妙理身與勳偕名與身否逸
羣遠遊永齊終始

○魯仲連贊

嵒峯先生有邈其節流仁憂亂抗道自潔隨事抑揚與時開闔在
幽能恭處悶惟悅

○○東方朔畫像贊并序

夏侯湛

大夫諱朔字曼倩平原厭次人也魏建安中分厭次以為樂陵郡
故又為郡人焉事漢武帝漢書具載其事先生瓌瑋博達思周變
通以為濁世不可以富樂也故薄游以取位苟出不可以直道也
故頽頽以傲世傲世不可以垂訓故正諫以明節明節不可以久
安也故詼諧以取容潔其道而穢其跡清其質而濁其文弛張而
不為邪進退而不離羣若乃遠心曠度瞻智宏才侖儻博物觸類
多能合變以明算幽贊以知來自三墳五典八索九丘陰陽圖諱
之學百家衆流之論周給敏捷之辨支離覆逆之數經脉藥石之

藝射御書計之術。乃研精而究其理。不習而盡其功。經目而諷於口。過耳而聞於心。夫其明濟開豁。包含弘大。陵轢卿相。哂豪傑。籠罩靡前。蹈籍貴勢。出不休顯。賤不憂戚。戲萬乘若寮友。視儔列如草芥。雄節邁倫。高氣盖世。可謂拔乎其萃。游方之外者已。談者又以先生嘔吸冲和。吐故納新。蟬蛻龍變。棄俗登仙。神交造化。靈為星辰。此又奇怪惚恍。不可備論者也。大人來守此國。僕自京都言歸定省。親先生之縣邑。想先生之高風。徘徊路寢。見先生之遺像。逍遙城廓。觀先生之祠宇。慨然有懷。乃作頌焉。

稿矯先生肥遁居貞。退不終否。進亦避榮。臨世濯足。希古振纓。涅

而無滓。既濁能清。無滓伊何。高明克柔。能清伊何。視汗若浮。樂在必行。處儉因憂。跨世陵時。遠蹈獨游。瞻望注代。爰想遐蹤。邈邈先生。其道猶龍。染跡朝隱。和而不同。栖遲下位。聊以從容。我來自東。言適茲邑。敬問墟墳。企佇原隰。墟墓徒存。精靈永戢。民思其軌。祠宇斯立。徘徊寺寢。遺像在圖。周旋祠宇。庭序荒蕪。棟棟傾落。草萊弗除。肅肅先生。豈馬是居。是居弗形。悠悠我情。昔在有德。罔不遺露。天秩有禮。神監孔明。彷彿風塵。用垂頌聲。

敘贊之文。邁往透脫。非斯篇翰。不足以辱先生也。

○羊秉序

夏侯湛

秉字長達，泰山平陽人。漢南陽太守續曾孫。大父魏郡府君，即車騎掾元子也。府君夫人鄭氏無子，乃養秉。齟齬而佳，小心敬慎，十歲而鄭夫人夢秉思容，盡哀俄而公府掾及夫人並卒，秉羣從父率禮相承，人不聞其親。雖難如也。仕參撫軍將軍事，將奮千里之足，揮冲天之翼。惜乎春秋三十有二而卒。昔罕虎死，子產以為無與為善。自夫子之沒，有子產之歎矣。亡後有子男，又不育，是何行善而禍繁也。豈非司馬生之所感歎。

簡文謂湛作羊秉序，極可想。今觀之，亦以淡淡佳耳。今人好多

好雜者直不知味在何處

[Faint bleed-through text from the reverse side of the page]

○夏侯緝及榮序


夏侯湛


稱字叔權。自孺子而好合聚童兒。為之渠帥。戲必為軍旅戰陣之事。有違者輒嚴以鞭撻。眾莫敢逆。淵陰竒之。使讀項羽傳及兵書。不肯曰。能則自為耳。安能學人。年十六。淵與之田。見奔虎。稱驅馬逐之。禁之不可。一箭而倒。名聞太祖。把其手喜曰。我得汝矣。與文帝為布衣之交。每讌會。氣陵一座。辯士不能屈。世之高名者多從之。游年十八卒。弟榮。字幼權。幼聰惠。七歲能屬文。誦書日千言。經目輒識之。文帝聞而請焉。賓客百餘人。人一奏刺。悉書其鄉邑名。氏。世所謂爵里刺也。客示之一寓目。使之遍談。不謬一人。帝深竒。

之漢中之敗。榮年十三。左右提之走。不肯曰。君親在難。焉所逃死。乃奮劍而戰。遂沒陣。

句法短勁

終





北
海

旭
海